

18. okt 2016

Aalajangiiffigisassatut siunnersuut, Naalakkersuisut kingusinnerpaamik UPA 2018-mi misissuinissamik agguaassissasoq pitaqqutit ajoqqutillu, Kalaallit Nunaat EU-mut ilaasortaanissamut politikkikkut aningaasaqarnerup kingunissai, siumoortumillu naliliinermut, namminersornerusuni allaffissornikkut periarfissat suliamut pisinnaasaat naammannersut EU-mut ilaasortaanermut.

(Inatsisartunut ilaasortaq Justus Hansen, Demokraatit)

Siumumiit aalajangiiffigisassatut siunnersuut imaattumik oqaaseqarfigissavarput:

Siullermik siunnersuuteqartuq qutsavigaarput saqqummiussaannut.

Siumumiiit itinerusumik qulequtaq isummorsorfigilersinnagu naqissuserusupparput Nunatta immineq inuminik tunuliaqutserneqarluni 1982-imi taamani EF-iusumit aninissaminik aaliangiinera 1985-imilu atortuulersitaa suli attackatsigu.

Nammineersinnaassuserput Namminiilivinnissamullu nammitsinnik oqartussaassuseqarnerput kiisalu minnerunngitsumik pisuussutitsinnik nammitsinnik piginnittuunerput attattuarumallugu anersaarput Siumumi allannguajaalluni tassaniimmat.

Siunnersuuteqartup pitsaaqqutinik ajoqutinillu qulaajaanissami apeqqutit saqqummiussai immiini soorunami soqutiginaateqarput. Tassaniipput qulequttat nalilersuiffigineqartariaqartut, illuatungaananarsiumgitsumillu aamma sammineqartariaqartut.

Ullumikkut EU-p nunattalu akornanni isumaqatigiissut aningaasarpassuarnik imaqarpoq, taakkulu immikkut ilinniartitaanermut pileqqaarneranilli tunngatitaapput. Taamaakkaluartoq paasissallugu pingaarpoq pisassiissutit nunatta EU-mut tunniuttagai aallaavigalugit ilumut nunatta immineq EU-mut isumaqatigiissuteqanngikkaluarluni aningaasannortillugit annerusumik iluanaarutigisinnaasanninnerai.

Siunnersuuteqartup Nunatta EU-mut ilaasortanngoqqissagaluaruni iluaqutigiasinnaasai ajoqqutigisinnaasaalu misissuisitsinermi akissutissarsiumaneqarput, Nunarpulli

Naalagaaffinngorsimatinnani nunatut namminersortutut EU-mi ilaasortaa sinnaanngilaq,

taamaattoqassapallu Danmarkip ilaasortaanerata ataaniissalluni, taannalu assiliaq qanoq nunatsinnik pisuussutitsinnillu oqartussaasuseqartiginnaanerpup takorlooruminartumik immini pilersitsivoq. Qulaani tunngavilersuutigineqartut aallaavigalugit piffissaanngilaq qulequtaq pineqartoq aningaasarpasuarnik nammakkiilluta misissuiffigissagippup, Siumup isumaa tassani ersarippuq. Nunatta namminiilivinnissaanni parteerpup qangaaniilli sulivoq angusassarlu angutserlugu isumarpuq aalajaappuq. Pisuussutit maani pigisavut tassaappup nunatta inuisalu pigisaat.

Nunarpup nunanik sanilerisaminik suleqateqarnini annertusartuarpaa, nunat sanilivut ilaatigullu aamma nunat alisinnerusut niuernikkut inerisaaffigiumasat siunnerfigalugit. Saqqummiunneqartoq aallaavigalugu misissuisoqassappup soqutiginarpuq aalisagartassiissutit nammitsinnik aalisarutsigit pissarsiassaq annerunersoq paasissallugu, taannalu qulequtaq taamak sammivilerlugu suliaassiissutigineqarpup.

Taamak oqaaseqarluta tunngavilersuutit taaneqartup innersuussutigalugit aalajangiiffigissasat siunnersuutigineqartup itigartitsissutigineqarnissaa innersuussutigarpup.

Vivian Motzfeldt

Siumut